

通

制

條

格

通制條格卷第十九

十一

防盜 至元二十八年六月中書省奏准至元  
新格

諸管軍官職當鎮守其要盜賊不生管民官  
職當撫治其要安靜不擾今後行省行  
院凡於所屬若管民官撫治不到以致  
百姓逃亡管軍官鎮守不嚴以致盜賊  
滋盛即須審其所由依理究治

諸行院到任取會所管地分見有草賊起數  
相其事宜嚴諭諸處軍官各使鎮守有  
法招捕得宜期於盜息而已仍將見有  
起數先行報院今後每季具已未招捕  
起數并有無終生賊人咨院呈省

諸盜賊相聚初非同心或被嚇從或爲誑誘  
其行省行院常須多出文榜許令自相  
首捕若始謀未行隨即告發或已相結  
聚能自捕獲者量其事功理賞

諸盜賊生發當該地分人等速報應捕官司  
隨即追捕如必當會合隣境者亦報官  
司即須應期而至併力捕逐勿以彼疆  
此界爲限違者究治

諸草賊招捕既平之後仍須區處得宜防備  
周密嚴責合干官司常令用心無致疎  
慢

諸捕盜官如能巡警盡心使境內盜息者爲  
上雖有失過起數而限內全獲者爲次

其因失盜累經責罰未獲數多者爲下  
到選之日考以實跡定其陞降即南方  
見有盜賊去息言平治有法使盜清民  
安者別議開奏陞

至元二十三年乙卯中書省江浙省咨婺州  
永康縣賊人陳巽四等聚謀作耗乘往此於八  
月二十七日癸巳古乃省官每與將文書來這  
賊每普濟寺東聚着頭造衣甲軍器來如今江  
南地面裏山林裏人煙稀少寺觀多有賊人聚

集作開去麴生發的先生和尚每官人每根底  
不說有既這般聚集做賊說說的每先生和尚  
每官人每根底來說呵與賞不說呵與賊每一  
同斷罪麼道說將來俺商量得依忙古歹說來  
的行文書呵怎生奏呵是也行文字者麼道聖  
旨了也欽此

捕盜責限 至元七年正月中書省右三部呈  
彰德路申李僧住狀告寅夜不知何人就本家  
將母阿任打傷身死照得失過盜賊定立叁限

根捕別不該被賊無故殺人捕限體例本部議  
得今後無故殺人合與強盜一體定立罪賞都  
省准擬

至元七年六月尚書省刑部呈議得今後故  
燒官府廨宇宅舍賊人既是比同強切盜賊其  
捕盜官兵擬合一體定立罪賞都省准呈

至元十四年七月欽奉聖旨立按察司條畫  
內一欵節該守土官常切覺察毋致盜賊生發  
或有賊人起於不意即時申報上司并行移隣

近官司併力捕捉如申報稽遲并有失覺察致令滋蔓結成群黨者科察

至大四年十一月中書省刑部呈議得捕盜官兵失過盜賊格前遠限不獲合行革撥格後遠限不獲者既正賊不該原免捕盜官兵亦合依例追斷都省准擬

延祐元年六月十四日中書省奏前者河西務一起賊人船裏住着強劫錢殺傷人命的上頭兵馬司官人每教那裏的軍官添氣力拿賊



麼道說呵軍官每不曾肯有又爲偷盜了官頭  
口的上頭差人限趕至慶元路去呵將那賊每  
也捉獲了沿路來的時分經過的城子裏索防  
送的人呵不是俺管的也而賊有麼道不曾添  
氣力來軍官每并管民官似這般不添氣力呵  
怎中公事鬆慢了去也者各處捕盜官每教公  
謹捕捉賊人者拿賊時分呵近日的軍官并管  
民官每不以是誣教做伴的各處遍行文書大  
都兵馬司官人每根底與添氣力聖旨呵怎生

奏呵那般者與者麼道聖旨了也欽此

捕盜功過 至元六年二月中書省刑部呈濟  
州等路各狀申管下司縣失過盜賊遠限不獲  
及賞錢等事都省議得捕盜人負本境內如有  
失過盜賊却獲別境作過賊徒擬合准折除過  
謂如捉獲別境作過強盜或偽造交鈔貳起各  
准本境內強盜壹起無強者准劫盜貳起如獲  
劫盜貳起亦准強盜壹起既是准折除過其賞  
不須給付如本境內別無失過起數但獲強劫

盜賊依上理賞若應補人負承准事主及諸人  
告指捉獲不在准除理賞之限

大德七年十月中書省刑部呈儀封縣簿尉  
李思柔大德五年十二月二十六日例後未獲  
切盜肆起強盜貳起除拿獲別境強盜壹起印  
造偽鈔壹起例合准除本境強盜壹起外有未  
獲切盜肆起數不滿伍未該添資却有強盜壹  
起擬合通作伍起添壹資歷省准

巡警 大德四年九月中書省刑部呈大都路

中右衛軍營見於永清縣所轄地面置立其本縣見設尉司弓兵即係職掌捕盜雖是本衛編立牌甲自行巡捕止合物鈐軍人終非有司擬合令永清縣於本衛關廂巡捕本部議得古衛關廂如遇火盜生發既責有司官兵捕限根緝合依大都路所擬省准

倉庫被盜 大德六年三月中書省樞密院呈倉庫巡防盜賊等事刑部議得倉庫被盜如有賊人出入蹤跡明白正賊未獲者着落當該園

宿軍官軍人追陪無明白蹤跡者於倉庫官司  
倉司庫人等名下追陪候獲正賊却行追還陪  
納之人都省准擬

大德六年九月中書省刑部呈右八作司被  
盜督勒兵馬司捉賊仍取到園宿軍官軍人防  
禁不嚴并八作司官守宿人等有失覺察各各  
招伏另行斷遣外議得八作司屢經被盜蓋因  
每日支納官物人衆烏雜提舉司與園宿軍官  
不設防禁賊人恣意出入視物易取此生盜之

源也擬合立法防禁以備不虞叅詳八作司除  
正門外周圍院牆築打高厚其牆頭裏外多用  
棘針榫查使賊人不能上下出入將頌物屋壁  
用磚壘砌門窻鎖鑰堅牢據應收到荆筐柶籬  
箱櫃栲栳席簟似此可以藏賊之物不許露地  
頓放亦合令蓋教房收貯封鎖門戶每日收支  
諸物令把門軍官軍人用心關防出則搜檢毋  
使夾帶每至日暮八作司正官親將教門封鎖  
司官司庫合千人與園宿軍官人等服同院內

教外仔細搜巡別無停藏賊人軍官親驗教門  
鎖訖然後俱出仍置文曆開寫搜巡司官人等  
花名畫字及封鎖正門畢將應有鎖匙與搜巡  
文曆一處用匣封鎖依例八作司提舉收掌至  
晚本司正官壹員與司庫合干人各壹名輪番  
守宿當該園宿軍官號令軍人坐鋪知更持鈴  
擊柝各執軍器把守圍繞至明本司官人等與  
軍官軍人驗封開門同入搜賊如獲賊徒隨即  
發付兵馬司追問若是軍官司官人等搜巡不

嚴藏下賊人當該軍官司官人等比依捕捉不獲切盜中限例俱各斷罪如不獲賊均陪所盜官物若賊踰墻而入盜訖官物者本處坐鋪軍人照依不獲切盜末限例斷罪如不獲賊追陪所盜物貨再犯加壹等軍官初犯罰俸壹月再犯決壹拾柒下若有強劫倉庫賊人依不獲強盜末限例將軍官軍人俱各斷罪仍令兵馬司依例責限捉賊其餘倉庫一體施行都省議得若遇強劫賊徒圍宿巡鋪軍官軍人力所不及



者似難追斷餘准所擬

延祐元年七月中書省刑部呈河南省宣使張徙政閔撥到鈔本於彰德路唐宋站界不見訖至元折中統鈔叁拾陸定壹拾兩歸問間欽遇詔赦叁詳所失鈔本比獲正賊著落押運官庫官庫子站船梢工孫千兒等并防送軍兵巡宿丁壯均徵納官仍督勒應捕官兵根緝正賊須要得獲追贓數足至日驗數給付都省准呈追捕至元八年二月中書省刑部呈北京路

申各縣俱有巡尉惟錄事司兼管捕盜遇有失  
過盜賊依限不獲即不見合停錄事或錄判俸  
給刑部議得元年中書省劄付止令錄事司捕  
盜別無擬定何負兼管明文擬令錄事司官輪  
番巡捕遇有失盜止坐巡捕官負省准

至元五年閏正月中書右三部益都路申捕  
盜正官遇有公出或病疾事故時暫委官權管  
若有失盜并正官任內有不獲賊人新官替下  
未審如何停俸省部相度捕盜官批賊即是本

賊如疾病公出事故擬令本處其餘正官時暫  
兼管若有失盜違限不獲正賊止取捕盜官招  
伏依例停罰據捕盜官任內未獲賊人既已替  
下不須定奪

至元十年五月中書省兵刑部呈博州路王  
阿丁被賊燒訖房舍縣尉羅旺貳限不獲賊人  
得替新任縣尉劉源未限不獲議得去官未及  
限滿後官亦非界內各免停罰弓手依例斷決  
都省准擬

至元二十三年二月二十七日欽奉聖旨節  
該賊根底民官軍官一處鎖壓者賊生發呵一  
處拿者賊根底拿不獲呵罪過他每根前要者  
欽此

至元二十三年三月中書省兵刑部據益都  
路申軍人和尚牛群內被盜牛隻經隔氣拾餘  
日才行申官委的難以追襲捉賊若同被盜財  
物一例責罰捕盜官其實是虛負省部相度如  
事主委的不曾隨即申官督勒合捕盜官兵常

川根捉正賊得獲追勤

附錄十九

通制條格卷第十九

通制條格卷第二十

賞令

告獲謀反 至元六年二月十二日伯顏右丞  
等奏東平府司吏元鑑告至元五年親手拿住  
胡王先生伴當任萬寧令知首告四人已蒙遷  
賞臣等議得擬充部令史仍賞鈔十定奉聖旨  
那人勾當得呵行者勾當不得呵止與賞賜者  
欽此

至元二十八年九月尚書省刑部呈與宰相

主簿李宇告發李英俊謀反等事已將各賊處  
斷家產籍沒不爲無功擬於本官應得資品上  
量陞二等都省准呈

至元二十九年三月中書省湖廣行省咨興  
國路大治縣民戶周鼎親獲謀反首賊范文興  
等若將本人擢賞相應都省議得周鼎首獲叛  
賊功效量擬本人於縣尉內任用

軍功 大德六年十月中書省議得今後應有  
首告捕獲作耗叛亂首從賊徒者寧息之日從

總兵官隨即考究實績開具某年月日何人首  
告某處某賊作耗某年月日某人於何處與賊  
如何相殺獲功將殺死捉獲首從人數合合備  
細緣由從實保勘明白別無爭功之人行移行  
省宣慰司再行委官體覆是實以憑定奪但有  
妄冒不實者監察御史廉訪司依例體察乃將  
妄冒人負并保勘體覆官吏黜降斷罪

元貞二年三月中書省御史臺呈前江西行  
省都事高芝自設方畧擒獲耗賊杜早軍前對



通志卷之七  
二  
衆正典刑訖若蒙陞用以示激勸刑部議得高  
芝智獲耗賊桂早不爲無功量擬減一資陞  
轉都省准呈

皇慶元年五月中書省江西行省咨廣東道  
宣慰司備潮州路申大德九年七月內海陽縣  
大麻寨鍾友鳴與雷貴安率本寨首目招到賊  
二伯餘人各執鎗刀器械圍掩本寨發礮突入  
殺傷劉鎮撫將雷貴安捉去倒吊生取心肝財  
物人口盡行殺虜移請本路同知忽都武畧

体問撫諭仍斟酌被中事体從宜區處會合收  
捕本官單舟獨進直抵亞門隨宜定計不動干  
戈五日之内追寃被虜雷阿刘等二十二人圓  
聚活獲賊首鍾友鳴等九名歸勘獄成刑部議  
得同知忽都都所獲殺掠百姓強賊九名救回  
被虜老小二十二名功實可嘉合於本官應得  
品給上量陞一等遷用都省准擬

皇慶元年十二月中書省湖廣行省咨八番  
順元宣慰都元帥府准總兵官宣慰使都元帥

燕帖木兒鎮國咨大德十一年正月內當職鎮  
兵將引本司令史馮夢弼收捕反賊至落白州  
歹蠻落向一十餘寨聚衆發噉與軍相殺馮夢  
弼贊畫招諭出官安業并其餘未附且坊等蠻  
民一万餘戶俱已出官送納差稅又至大二年  
正月六寨歹蠻聚衆把隘將蠻官的約殺死當  
職引兵前去差委馮夢弼分道招喚被歹蠻五  
伯餘人圍困一晝夜意欲殺害本人多方化諭  
歹蠻一千餘戶出官認辦軍糧屑詳令史馮夢

至大寧米往拒敵殺傷射死官兵人等如今已  
獲賊內阿失歹兒親海塔海三名已招明白五  
府官審錄無寃將這三個賊明正典刑支解發  
付各處諭衆號令拏這賊每時分射死了寬徹  
大王來這阿失歹兒等賊人柴口家屬斷付與  
寬徹大王爲贖官司更與中統鈔伍伯定射死  
的捕盜官真應繼之人本等承襲官司仍給埋  
葬錢中統鈔一拾定射死的弓手田主人等官  
給各家中統鈔壹拾定外弓手依例存恤貳半

被傷流官任回減一資被傷投下官真弓手官  
給各人鑿藥錢中統鈔伍定射死賊人來的闊  
闊互駙馬與兩表裏金段子呵怎生奏呵奉聖  
旨那般者依着您商量來的行者聖旨了也欽  
此

大德十一年二月中書省刑部呈各處官真  
在任捕獲盜賊如應遷賞理合出具公文於所  
屬陳告其所司隨即照勘開寫元發事頭如何  
捉獲分謫本境別境有無合准折起數曾無承

准他處公文及諸人告指是否親獲有無早功  
之人各賊略節所招情犯歸結緣由明白完備  
腰裏路分保結申部行省所轄保勘移咨都省  
以憑定奪若不依式保勘止於解由內朦朧開  
寫者不須行移照勘庶矯不明之弊都省准呈  
至元八年正月尚書省樞密院呈事王自獲  
強切盜賊亦合依例給賞刑部議得欽奉聖旨  
諸人告捕獲強盜壹名賞鈔伍拾貫切盜壹名  
賞鈔貳拾伍貫應捕人減半別無事主親獲賊

人給賞體例都省准擬

至元十三年五月中書省兵刑部呈宣使二月  
狗捉獲殺兄賊人阿禿合比捉獲強盜例賞  
鈔伍拾貫都省准呈

大德三年十一月中書省江浙行省咨鎮守  
信州萬戶府申比遇盜賊巡檢尉司約會鎮守  
軍官一同巡捕限內不獲亦有決罰如獲賊之  
人擬合加賞刑部議得各處鎮守軍官軍人如  
是親獲強劫盜賊依例減半給賞都省准呈

捕虎 至元二十一年八月，中書省、兵部呈議：得凡有虎害去處，擬令本處官司嚴勒官兵及打捕之人多方捕殺，或不係應捕之人自願設機捕獲者，皮肉給付充賞。都省准擬。

獲僞鈔賊 大德七年十一月，中書省刑部呈議：得揚州路江都縣弓手王興親獲僞造寶鈔賊人鄭貴，賞錢例應減半。雖已身故，擬合給付家屬。都省准擬。

至元四年七月中書省四川行省咨成都路



申句龍高狀首驅男醜奴用至元鈔索兩於巴  
張花魁買到至元偽鈔肆兩句龍高若比例給  
賞誠恐差池刑部議得句龍高因驅醜奴買使  
偽鈔爲恐事發累及自行陳首難擬理賞都省  
准擬

大德七年十月中書省江浙行省咨杭州等  
路見禁印造偽鈔捌拾捌起貳佰柒拾肆人多  
係追取板鈔到官止是同犯壹貳名逃亡便作  
未完追勘今後若蒙照依強盜例但獲偽造實

鈔之徒追搜板印到官招贖明白即正典刑以  
塞造偽之源都省議得偽造寶鈔已獲賊徒追  
搜板印偽鈔贖物無疑廉訪司審復無寃先行  
結案首告捉事人賞錢如板印到官犯人招證  
明白廉訪司審錄無寃本路隨即當官給付仍  
申合干上司照驗若應給而遷延不給者聽廉  
訪司糾察治罪其事未發而自首者原其罪能  
捕獲同伴者仍減半給賞若有未獲賊徒應捕  
官兵依強盜例捕限緝捉仍令有司嚴加禁治

略節真書罪賞排門粉壁使民知懼迺相關防  
覺察

至大四年四月二十六日欽奉詔書內一款  
節該告獲印造偽鈔者賞銀伍錠仍給犯人家  
產應捕人獲半告捕挑剌裨鞫者賞中統拾錠  
犯人名下追給應給而不給者肅政廉訪司糾  
察欽此

至大四年四月二十六日欽奉詔書內一款  
節該諸造偽鈔其率未發自首者除其罪能自

捕獲同伴者減半給賞欵此

大德九年六月中書省陝西行省咨莊浪路  
司吏李濟捉獲印造偽鈔賊人趙失刺立吉等  
合該賞錢若便全給緣係請俸人吏刑部議得  
莊浪路司吏李濟即非應捕身役合得賞錢依  
例全行支付都省准呈

私酒 皇慶元年正月中書省江浙行省咨諸  
人告獲私酒犯人已招伏罪經釋免未審合  
無理賞都省議得告獲私酒犯人已招明白雖

經釋免依例追給

私曆 至元十七年六月太史院欽奉聖旨印  
造授時曆頒行天下敢有私造者以違制論告  
捕者賞銀一伯兩如無本院曆日印信便同私  
曆欽此

平反冤獄 至大元年六月中書省江浙行省  
咨浙東道宣慰司都元帥府呈衢州路司吏陳  
昌平反龍游縣枉問方德一殺死葉隆三江山  
縣毛文一代替張文六招承打死楊文六西安

縣誣問徐春娘因奸殺夫蔣萬六等虛招打劫  
業費四家財等寃獄廉訪司体察相同連到的  
本牒文刑部議得衢州路司吏陳昌平反寃獄  
如挂於本道宣慰司令吏內不次補用相應都  
省准呈

皇慶元年七月中書省江浙行省咨泉州路  
備市舶司提奉楊天瑞呈前任建寧路判官有  
建陽縣賊人葛令史作耗本路總管馬謀與鎮  
守張萬戶領軍因往收捕回至建寧路甌寧縣

界馬謀知得吉陽里張重九弟張重七有室女  
月娘幼美欲問爲妻本婦已許他人不從所說  
本官率領軍馬到於張重九家安下織羅張重  
七張重九曾受賊人劉村拷打逼尋月娘得見  
強行奸污女身及將各家資財人口盡教虜掠  
爲恐稱寃將張重七等九名遊街打死張重九  
等五人懸命在地當職親詣張重九等於本路  
公厅引問說出馬謀強奸室女妄行虜掠人口  
財物具經監察御史并本道按察司力言救活

張重九等五人性命及於馬謀總管張萬戶名下追到月娘并送与上下官吏撒花男女計一伯一十九名尽数放还各家父子夫婦完聚御史臺奏奉聖旨將馬謀明正典刑今連廉訪司的本牒文在前都省議得楊天瑞平反完獄五人追回人口一百一十九名給親完聚理宜優陞於本官應得品級上量陞一等

皇慶二年二月中書省江浙行省咨南劔路推官潘允前任泉州路推官平反普江縣枉勘



平民陳每仔等五名屈招強劫許天卿家財殺  
死事主將各人辨明踈放未踰月間龍溪縣全  
獲正賊郭應等一十六名后除本路推官辨明  
邵武路元問龔順屈招踢死黃貴建寧路元問  
鄒天佑屈招踢死李二十五二起人命廉訪司  
体覆相同都省議得推官潘允平反寃抑事理  
量擬減一資歷

皇慶二年六月中書省江浙行省咨慶元路  
司獄郭東任內平反寃獄三起凡活六人本道

廉訪司嘉其用心三次察奉今已得代宜加陞  
用刑部議得司獄郭東平反寃囚內竺妙二等  
三名元招与妾同情藥死妻阮安三娘本官問  
得阮安三娘因病疾身死又強賊錢十二起內  
林明二元招持杖下手殺人本官問得却係隨  
從賊人又強盜樂明二等事內顏曾一元招同  
情上盜本官平反即係無辜之人悉皆踈放各  
處保勘明白廉訪司体覆相同擬合於本官應  
得資品上量減一資都省准擬

至大四年七月中書省江浙行省咨平反寃  
獄官吏當爲之事今後須要細考實跡廉訪司  
體勤別無虛繆捏合量擬墜等減資如有不實  
罪及體勤官司庶革濫源刑部議得今後若有  
平反罪囚細考實跡明白本道廉訪司體覆是  
實總管上司保勤相同然後許動公文以憑定  
擬其或冒濫不實罪及保勤體覆官司以革僥  
倖之弊都省准呈

會赦給賞 皇慶元年正月中書省江浙行省

咨諸人賭博錢物并犯私鹽酒稅已招明白罪  
經釋免未納攤場錢物犯人家產告人賞錢合  
無追給刑部議得賭博錢物私鹽酒稅雖已招  
伏罪經釋免其攤場錢物并犯人家產既未追  
沒欽依革撥告人賞錢依例追給都省准呈  
獲逃驅 延祐二年七月二十二日也可扎魯  
忽赤奏薛禪皇帝時分逃驅被捉獲呵將拐帶  
的財物三分內一分與拿獲人充賞有來那勾  
當在後住罷了來如今百姓每爲不與賞麼道

見逃驅呵多不肯拿有准奏呵依在前体例裏  
三分內將一分與拿住人充賞呵怎生奏呵那  
般者麼道聖旨了也欽此

通制條格卷第二十一

醫藥

醫學 大德八年十月中書省湖廣行省咨湖  
南道廉訪司申訓誨醫生等事禮部移准太醫  
院關如准所言允當都省准擬

一各處應設學校大小學生今後不令坐齋  
肄業有名無實者初次教授罰俸壹月  
正錄各罰中統鈔柒兩再次教授罰俸  
兩月正錄視前例倍罰叁次教授正錄

取招別議仍各標注過名其提調官視  
教官例減等初次罰俸半月再次壹月  
參次兩月

一各處學校若有大小生員在學而訓誨無  
法課謔自莽苟應故事者初次教授罰  
俸半月正錄各罰中統鈔伍兩再次教  
授罰俸壹月正錄各罰中統鈔柒兩參  
次教授正錄取招別議仍各標注過名  
提調官初次罰俸拾日再次半月參次

壹月

科目 大德九年五月中書省禮部呈澤州知  
州王祐言考試醫學事理移准太醫院閏送據  
諸路醫學提舉司申各處設立醫學蒙都省令  
太醫院講究到合設科目壹拾叁科合爲拾科  
各有所治經書篇卷方論條目擬合遵依已定  
程式爲考試之法不精本科經書禁治不得行  
醫今將程式科目各習經書開具于后都省准  
呈



一 程式太醫合設科目

大方脉雜醫科 小方脉科

產科兼婦人雜病科 口齒兼咽喉科

風科 正骨兼金鏃科

眼科 瘡腫科

鍼灸科 祝由書禁科

一 各科合試經書

大方脉雜醫科

素問壹部 難經壹部

神農本草壹部 張仲景傷寒論壹部

聖濟總錄 八十二卷

小方脈科

素問壹部 難經壹部

神農本草壹部

聖濟總錄壹拾陸卷 聖濟總錄拾陸卷至壹拾捌拾貳卷

風科

素問壹部 難經壹部

神農本草壹部

聖濟總錄壹拾陸卷

第伍至貳拾卷

產科兼雜病科

素問壹部

難經壹部

神農本草壹部

聖濟總錄壹拾柒卷

第壹伍伍至壹陸貳拾壹卷

眼科

素問壹部

難經壹部

神農本草壹部

聖濟總錄壹拾參卷

第壹伍貳至壹伍陸拾肆卷

口齒喉咽科

素問壹部

難經壹部

神農本草壹部

聖濟總錄捌卷

第一卷至第六卷至第七卷第八卷

正骨養金鑊科

素問壹部

難經壹部

神農本草壹部

聖濟總錄肆卷

第一卷至第四卷

瘡腫科

素問壹部

難經壹部

神農本草壹部

聖濟總錄貳拾壹卷

卷一由卷百壹拾肆又壹拾伍并壹拾陸卷二由卷貳拾捌又壹拾玖并壹拾

鍼灸科

素問壹部

難經壹部

銅人鍼灸經壹部

聖濟總錄肆卷

第一壹拾貳拾壹主壹拾柒卷四卷

祝由書禁科

素問壹部

千金翼方貳卷

第一貳拾貳至三拾

聖濟總錄卷

第一卷 聖濟總錄卷

試驗太醫 延祐元年十一月二十二日御史  
臺奏監察每文書裏說有醫人每行醫的勾當  
學得會呵用得藥有學得低的差用了藥呵犯  
者人性命有隨朝太醫每學得高的也有年紀  
小的或承父兄倚托親戚醫人的勾當或省得  
省不得做太醫的也有各處教授提領行醫的  
勾當省不得的也有如今儒人每科舉裏選用  
有這醫人每教太醫院立定體式將他每試了

醫人的勾當學會的委付麼道說有俺商量來  
在前太醫院立着體式各處官司交習學醫業  
有來如今不曾依着那體例裏行的也有隨朝  
太醫每不曾考試便交行的也有似這般將他  
每不試驗取用若錯用了藥呵犯着人的性命  
有這裏的太醫每并各處鑿學教官交太醫院  
依着他每立來的體例裏試驗中的委付醫人  
的勾當省不得的合分揀有隨處鑿人每依在  
先體例裏考試會的交行醫各處官司若不依

這體例行呵交監察廉訪司官人每體察呵怎  
生奏呵除我認得的別箇的都是官人每保來  
的年紀小的醫人的勾當省不得麼道也奴太  
醫院官人每也曾說有來恁說的是有傷着人  
的性命去也依着恁奏來的交省家太醫院家  
好生試驗分揀者麼道聖旨了也欽此

惠民局 大德三年正月欽奉詔書內一款貧  
民病疾失於救療坐待其斃良可憫焉宜准舊  
例各路置惠民藥局擇良醫主之庶使貧乏病



疾之人不致失所欽此

假醫 至元五年十二月欽奉聖旨據提點太醫院奏開張藥鋪之家內有不畏公法者往往將有毒藥物如烏頭附子巴豆砒霜之類尋常發賣與人其間或有非違致傷人命及有不習醫道諸色人等不通醫書不知藥性欺誑俚俗假醫爲名規圖財利亂行鍼藥誤人性命又有

一等婦人專行墮胎藥者作弊多端乞禁約事

准奏仰中書省通行隨路嚴行禁約如有違犯

之人仰所在官司究治施行欵此

元貞二年七月中書省御史臺備監察御史  
呈切見大都午門外中書省樞密院前及公廨  
兒等人煙輳集處有一等不畏公法假醫賣藥  
之徒調弄蛇禽傀儡藏撮撮鉞到花錢擊魚鼓  
之類引聚人衆詭說妙藥無知小人利其輕售  
或丸或散用錢贖買依說服之藥病相反不無  
枉死叅詳京師天下之本四方取法者也太醫  
院不爲禁治不唯誤人性命實傷風化理宜遍

行禁治郡省桂呈

通制條格卷第二十一

通制條格卷第二十二

假寧

奔喪遷葬 至元二十七年十二月尚書省吏部呈諸官吏人等祖父母父母喪亡并遷葬者合依舊例給假並除馬程日行柒拾里所據俸給送戶部議得奔喪遷葬既以人倫重事許給假限其限內俸鈔擬合支給都省議得依准所擬除程給假違限不到者勒停今將各各日限開具于後

祖父母父母喪亡假限叁拾日

遷葬祖父母父母假限貳拾日

大德六年正月二十日樞密院奏除守把邊  
遠出征的軍官外其餘鎮守城池寧息地面裏  
有的軍官他每祖父母父母身故了呵依着民  
官每的體例定與限次交奔喪去呵怎生擬定  
來奏呵奉聖旨那般者欽此

大德元年十二月中書省御史臺呈雲南行  
省咨諸職官遷葬假限遠近不同若不明定格

例恐致差池都省議得除遷葬一節雲南比之  
中原地理懸遠難議給假外如聞祖父母父母  
喪者即聽解任奔赴所在官司依例給由申覆  
行省照勘完備咨省仍先具職名籍貫解任月  
日先行咨來以憑劄付御史臺行移拘該廉訪  
司體覆

曹狀 至元七年十二月欽奉聖旨據御史臺  
奏中書省劄付該殿中侍御史掌管隨朝官告  
假事故參日以外各以曹狀報殿中司還職亦

行具報如有推稱病故者合行舉罰及有司奏  
覆軍情除授刑名等事未及施行恐有不關利  
害之人傳布于外雖欲究問莫知所自若不回  
避深爲未便今後凡不可與聞人真殿中侍御  
史隨即糾舉回避乞降聖旨事准奏仰御史臺  
令殿中侍御史掌管依上句當施行欽此

至元八年五月中書省御史臺呈殿中司體  
知必闕赤孛都歡患病致日不見報到曾狀續  
據本臺呈扎魯火赤納別忽木并必闕赤忽都

魯不花根隨車駕前來上都擅自落後亦不供  
報曹狀都省與尚書省官御史臺官一同商議  
得假告事故官負不報曹狀罪犯壹次罰俸捌  
兩再犯依上罰俸叁犯近上官負聞奏近下人  
負從各衙門就便的決外據無故落後官負驗  
實日全尅俸祿再犯依前尅除叁犯依上的決  
至元八年十月尚書省御史臺備殿中司呈  
體知差去打筭陝西行省官負至今多日不見  
報到曹狀送禮部講究得今後被差離職官負



擬同事故一體報臺還職日亦行具報都省  
呈

至元二十八年八月中書省御史臺備監察  
御史呈隨處諸衙門府州司縣官或因私隙或  
事有畏忌輒便托疾在家虛請俸給者有之或  
推稱事故離職延待月日者有之因無檢舉冒  
請俸祿多致敗事今後外路官吏各依隨朝百  
官一體凡假故曹狀報本屬仍諸衙門置立假  
故文簿明白附寫令首領官掌管結轉每日壹

次正官署押用印關防行省文簿令監察御史  
照刷其餘官府文簿按察司照刷如有推病故  
官吏所請俸錢欵依聖旨事意施行都省准呈  
給假 中統五年八月欵奉聖旨條畫內一欵  
京府州縣官負每日圓座參議詞訟理會公事  
若遇天壽冬至各給假貳日元正寒食各叁日  
七月十五日十月一日立春重午立秋重九每  
旬各給假壹日公務急速不在比限其赴任職  
官或宣使人負在他所病患者即告所在育司

驗治病愈給據發還欽此

至元十四年十二月二十九日中書省客省使也速忽都荅兒奏在先初十日二十日三十日每月叁次放假有來如今那裏官人每商量得這叁箇日頭斷人呵也中如今初一日初八日十五日二十三日乙亥日這日數裏有性命的不交宰殺有人根底也不打斷有這日數裏放假呵怎生奏呵奉聖旨那般者欽此

條格二十二卷終

通制條格卷第二十七

雜令

上用甲 至大四年十月二十三日御使臺奏  
監察每文書裏說有脫脫木兒駙馬根底與甲  
時分柒伯副內脫脫木兒駙馬穿的甲已與了  
兩副八魯剌等又與了壹副細甲麼道這勾當  
俺問那不問奏呵八魯剌根底依着您奏來的  
要罪過者今後咱每根底做來的甲咱每根底  
不呈獻明白不奏了休與人若麼道聖旨了也

欽此

兵仗應給不應給 至元八年三月御史臺據  
各道提刑按察司申書史書吏奏差人等告稱  
每遇差出巡按乞許令懸帶弓箭事於三月初  
九日聞奏過奉聖旨教懸帶者欽此憲臺公議  
得各道司官除已懸帶外今擬每道弓箭陸副  
如遇書史書吏奏差人等公出許令懸帶

至大三年七月二十九日御史臺奏在先塔  
察兒月兒魯那延臺裏行時分禁約漢兒人休

弩弓箭軍器上頭世祖皇帝根底奏呵按察司  
官人每是弩說說做賊的人每有壹箇兩箇出  
去體察勾當行呵弓箭交弩者麼道兩遍聖旨  
有來如今尚書省官人每奏了但有姓的漢兒  
蠻子弓箭軍器禁了者弩的人依在前體例要  
罪過者麼道行了文書有俺商量來監察廉訪  
司官人每是弩做賊說說的衙門有歹人每不  
愛的多有也者體察勾當行的時分不教弩弓  
箭呵不中的一般有可憐見呵依先聖旨體例

教拏弓箭呵怎生奏呵奉聖旨那般者欽此

皇慶二年十一月十六日樞密院奏弓箭軍器的勾當專與軍人者麼道世祖皇帝好生記心有來如今無問遠近內外去的使臣每根底又大小衙門裏行的首領官令史每春秋上下往來索要弓箭的多有似這般索要呵用着的時今短少了去也今後除與軍前去的使臣每外其餘使臣每根底并各衙門首領官令史每根底休教與呵怎生奏呵奉聖旨您說的是有

那般者院裏行文字物料造作來的軍器各衙門首領官令史漢人蠻子高麗人每根底休與者欽此

大德七年十一月中書省河東陝西道奉使宣撫呈太原路所轄州城有姓在關達曾花赤多有執把弓箭之人合行禁約刑部議得有姓達魯花赤如係漢兒人擬合欽依禁約都省准擬

至元十一年三月初五日大司農司奉都水



監管勾當官壕寨差出爲河道勾當裏去呵山裏水裏難田地裏行有別無隄防器械合無令各人帶弓箭壺副奉聖旨教帶弓箭者欽此

至元十四年三月初一日中書省奏南省官人每與的文書來蠻子田地裏做去底官人每田地遠有民戶新入來有軍器不把着呵公路上做賊的万人每莫不撞着麼那般道將來臣等議得去的官人每斟量着教把着軍器行呵怎生奉聖旨那般者欽此

元貞元年十月初三日中書省奏江浙省南京省所轄的地面巡禁私鹽的漢軍新附軍相參安置着有漢軍每有軍器新附軍無軍器賊每行呵將着軍器行有這巡禁的新附軍每無軍器的上頭被賊每傷害有這的每根底也依那體例裏索將軍器來呵俺院官每根底商量來這的每是巡禁的軍人合與麼道說有俺也商量來不教其餘的指例與呵怎生奏呵奉聖旨與者休教別箇的指例者欽此

至元二十三年六月二十七日中書省奏擊賊的巡馬每在先放擎着悶棍道來擎賊的將着悶棍呵賊每到有弓箭擎的人每傷着去也麼道說將來俺商量的路裏壹拾副弓箭散府州裏各添副弓箭縣裏教伍副弓箭呵怎生奏呵是有那般者聖旨了也欽此

大德六年五月中書省江浙省咨合屬地面多是依山瀕海去處盜賊不時生發執把軍器捕盜官兵却無弓箭軍器不能擒捕擬合依例

給付都省議得路府州縣巡防捕盜衙門懸帶  
弓箭已有定數各處巡檢每處量給弓箭參副  
大德七年十一月中書省江浙省咨饒州路  
胡國用告周南十二程合根脚迤北來仕回家  
懸帶弓箭環刀稱係怯薛歹人改名周也里占  
歸問問欽遇詔恩都省議得周也里占所犯罪  
經革撥怯薛身役既是蠻子人氏擬合罷去發  
付元籍當差見帶弓箭追收還官

至元二十四年二月尚書省河東山西道宣

懋司呈西京太原太和嶺等處把隘軍人若將  
弓箭軍器拘收懼有疎失不及申訴劄付樞密  
院照擬得漢兒執把弓箭軍器即係禁斷事理  
所有上項把隘軍人既宣懋司呈所把隘口檢  
惡不時防送官物合許執把悶棍巡防勾當仍  
令本管色目人負常切鈴束不致生事違錯都  
省准擬

至元二十四年五月二十四日尚書省奏江  
西行省官人每與將文書來吉賴等地面湖南

廣東福建這地面相連着每年草賊生發呵出  
備軍器聚集弓手人每收捕來年時江南地面  
漢兒南人休把弓箭禁斷時分這裏的弓箭拘  
收了來如今依着漢兒城子裏與了的條例裏  
與的說將來有俺商量得在先中書省官人每  
奏每一箇路裏拾副弓箭散府裏州裏添副弓  
箭縣裏伍副弓箭教執把呵怎生麼道奏呵是  
也那般者麼道聖旨了來如今依着那條例路  
裏拾副散府州裏添副縣裏伍副教執把城子

裏的達魯花赤達達畏吾兒回回官人每教管  
者若收捕賊的勾當有呵廵軍根底教把弓箭  
無勾當時拘收了庫裏放着呵怎生麼道奏呵  
那般者好人根底委付者麼道聖旨了也欽此  
檀造兵器 元貞元年正月中書省刑部呈賀  
安等告東平路達魯花赤咬童至元二十四年  
七月內勒令各司縣達魯花赤局官等造納胖  
襖皮甲錄刀箭隻緣係詔赦已前事理擬合革  
撥今後司縣達魯花赤如有各投下似此成造

軍器胖襖等物隨即牒報本衙門申覆上司無得擅自成造都省准呈

禁約軍器 至元二十一年四月十六日中書省奏在先欽奉聖旨漢兒人休執把弓箭者軍人打捕戶這的每執把者這般聖旨有來火魯火孫奏將來除軍人外打捕戶每弓箭休執把呵怎生商量來奏呵奉聖旨罷了者欽此鐵木义 至大四年五月中書省河南行省咨揚州路搜到賊人楊夢翔等行使器仗內有兩



股鐵木义若不禁治切恐因而別生事端刑部  
議得鐵木义係農家必用之物既非軍器難以  
禁治都省准擬

買賣軍器 至元二十八年三月中書省刑部  
呈鷹房官阿沙不花黃兀兒指揮送到賣鏢刀  
等物人魏得榮并買主李仲璋除將已到官鏢  
刀送庫寄收聽候外本部叅詳若將鏢刀等物  
拘收照例擬罪却緣自前不曾禁斷貨賣軍器  
魏得榮俱係商賈之人又經赴務投稅別無情

弊合無將已到官銀刀回付本主賣與應合執  
把軍器人等權以免罪相應都省准擬

供神軍器 至元二十一年十一月中書省南  
京等路宣慰司呈見欽奉聖旨通行各處禁斷  
拘收軍器除欽依外今訪聞得隨處廟宇往往  
有諸人供獻鞭筒鎗刀弓箭等真軍器并旌旗  
鑼鼓斧鉞儀仗儻有解人就用致使愚民枉遭  
刑憲刑部議得今後民間若有必合使用供神  
器物經官給據聽以土木紙絲假物代之以寓

事神之意如有違犯之人捉拿斷罪都省准擬  
造低弓箭 至元十五年五月中書省樞密院  
呈揚州路管軍萬戶史塔刺渾申今次起到各  
路逃亡等軍除衣襖完備外買置到箭隻箭筈  
箭頭俱各不堪射射不惟枉費錢物有悞軍前  
勾當都省准擬送刑部行下合屬今後遇有出  
征軍人和買弓箭禁約毋令成造低解

贖鷹鵠 至元五年十二月中書省右三部呈  
真定路打捕總管府捉獲貨贖免鵠角鷹人等

都省奏奉聖旨有海青呵休教貨賣送將來者其餘鷹鷂不須禁斷欽此

至元二十七年九月三十日尚書省奏帖木兒平章說將來這裏的官人每爲自己的勾當推着上位鋪馬裹送鷹鷂皂鷹去有這裏的站生受的其間裹不教送去呵怎生前者壹起鋪馬裹送皂鷹的當着不曾教送來今後送鷹鷂來的怎生呵是麼道說將來有奏呵當的是也今後休教送將來者麼道聖旨了也欽此

禁捕禿鶩 大德三年七月十八日中書省奏

揚州淮安管着地面裏生了蝗虫呵正打的其  
間伍所餘禿鶩飛將來不怕打蝗虫人每喫  
得蝗虫飽呵却吐了再喫飛呵一處飛起來教  
翅打落都喫了有與將園子來有看了園子奏  
呵百姓每道是麼有聖旨有呵自來不曾聽得  
這般勾當皇帝洪福也者這般說有奏呵奉聖  
旨恁行文書這飛禽行休打捕者好生禁了者

欽此

禁捕天鷲 皇慶元年十二月二十三日中書  
省奏迤南天鷲鵠鵝鴨鴈鳴等依在先例禁了  
休教打捕有麼道不花陽列等奏過俺根底與  
了文書在先止禁打捕天鷲鵠鵝鴨來其餘鴈  
鳴等在前不曾禁有如今只依在前只禁打捕  
天鷲鵠鵝鴨別箇的不禁呵怎生奏呵江南百  
姓食用鴈鴨養喉嚨急有都禁了呵他百姓每  
食用甚麼只禁打捕鵠鵠國語天鷲鵠鵝的者  
麼道聖旨了也欽此

捕白花蛇 延祐元年十月中書省御史臺呈  
江北道廉訪司申羅田縣白花蛇傷人害畜如  
蒙貢餘之外許令擊除免致滋多於民便益都  
省議得羅田縣山谷生畜白花毒蛇近因禁捕  
以致滋多傷人害畜今後除每歲額貢依例辦  
納餘從民便

筵會宰馬 至元三年八月二十一日中書省  
欽奉聖旨禁斷休教殺馬者大官人每筵席殺  
馬的病的委實不甲騎坐的教人做證見驗了

殺者欽此

漢人毆蒙古人 至元九年五月十九日中書省欽奉聖旨聽得漢兒人每多有聚集人衆連連人每根底開打有這般體例那裏有恁每嚴加禁約者欽此

諸王經行科欽 大德三年七月中書省河南行省咨河南府路申竊見四方鎮遏諸王駙馬朝會赴闕未曾起程先行前路文字並不開寫官負數日有司避怕罪責多餘准備羊酒雞猪



賜鴨宿頓處所鋪陳地毯綵綸繖棗柱壁又於  
界首用椽箔棚搭掃里棚座邀頓動壺科拾動  
拾科伯換民不便都省議得諸王駙馬經行人  
負飲食馬駝草料自有定數明文所據棚搭掃  
里棚座邀頓鋪陳準備羊酒雞鵝等物今後憑  
准上司許支明文從實應副毋得多餘科欽授  
民違錯

詐稱賜酒 皇慶二年二月二十七日中書省  
奏差將各處去的使臣并廻去的使臣每外路

官人每根底他每自己索的葡萄酒并酒將去  
呵却說說是上位賜將去的麼道說的人多有  
聽得來也有咱每與將去的也者似這般說將  
蒲萄酒并酒去的好生的計較者麼道亦烈赤  
俺根底傳聖旨來俺商量來上位知識的外路  
官人每根底若上位誰根底賜將蒲萄酒并酒  
去呵教宣徽院與兵部印信文書呵却教兵部  
官與印信別里哥文字憑着那別里哥將去者  
無兵部別里哥文字的公路有的脫脫禾孫每

盤問了留下將去的葡萄酒并酒標記着他每  
的姓名說將來呵俺上位根底奉了要罪過呵  
怎生奉呵那般者麼道聖旨了也欽此

非理行孝 至元三年十月中書省左三部呈  
上都路梁重興爲母病割肝行孝合依舊例諸  
爲祖父母父母伯叔姑兄姊舅姑割肝剜眼割  
臂鬻膏之類並行禁斷都省准擬

延祐元年十月中書省禮部呈樞密院都事  
呈保定路清苑縣安聖鄉軍戶張駟兒爲父張

伯堅患病割股行孝止有壹子舍兒叁歲爲侵  
父食祀於祖塋內活埋本部議得割股毀體已  
常禁約張馯兒活埋其子誠恐愚民倣倣擬合  
通行禁約都省准擬

前代遺跡 至元十三年正月諭江南詔書條  
畫內一疑名山大川寺觀廟宇并前代名人遺  
跡不許毀折

文廟褻瀆 中統二年六月欽奉聖旨道與平  
陽等路宣撫司并達魯花赤管民官管人匠打

捕諸頭目及諸軍馬使臣人等宣聖廟國家歲時致祭諸儒月朔釋奠宜恒令洒掃脩潔今後禁約諸官負使臣軍馬無得於廟宇內安下或聚集理問詞訟及褻瀆飲宴管工匠官不得於其中營造違者治罪管內凡有書院亦不得令諸人搔擾使臣安下欽此

侵占官街 中統四年七月內欽奉聖旨在京權豪勢要回回漢兒軍站民匠僧道諸色人等起蓋房舍修築垣墻因而侵占官街乞禁約事

准奏今後再不得似前候占如違即便將侵街垣墻房屋折毀仍將犯人斷罪欽此

解典 至元十六年六月中書省欽奉聖旨石招討奏亡宋時民戶人家有錢官司聽從開解自歸附之後有勢之家方敢開解庫無勢之家不敢開庫蓋因怕懼官司科擾致阻民家生理乞行下諸路省會居民從便生理仍禁載錄事司不得妄行生事教飲民戶縱有誤典賊贓只宜取索却不可以此爲由收拾致罪

元貞三年二月中書省江浙省咨姚起告將珠翠銀器衣服於費朝奉家典當鈔兩周年後不肯放贖都省議得今後諸人解典金銀或周年不贖許令下架

大德六年十月中書省河南省咨淮安路朱忠瑞告稱孔勝將元典衣服說稱被盜不肯放贖雖於被盜卷內照有上項衣服名件却緣孔勝不係出名解典正庫係違例加一取息暗解諸人衣服切恐指倚失盜將他人典當衣服欺

隱入已虛作盜去情亦難顯合無著落孔勝名下追陪元典價直先行給主候捉賊得獲至日追問送禮部約會刑部一同照擬得孔勝不依通例明發解帖暗行出典如一取息俱係違法設或真盜實緣禦備不周以致如此即非力所不及之故若從破說恐啓僥倖之門參詳合准行省所擬都省准擬

卑幼私債 中統四年六月十三日欽奉聖旨據燕京路總管府同知郭汝梅奏告本路官負



百姓富家子弟不問尊長暗與財主作弊取借  
債負及冒賣田宅虛錢實契一同非理使用意  
望尊長亡歿歸還以致臨時破壞家業之行禁  
約事准奉仰尊長在日卑幼不得私借錢債及  
典賣田宅人口財主亦不得與富家通同故行  
借與錢債如違其借錢人并借與錢人牙保人  
等一例斷罪及將元借錢物追沒入官仍仰中  
書省通行隨路一體禁斷施行欽此

至元八年正月尚書省御史臺呈山東按察

司照得權豪勢要之家往往苛圖利息借與卑  
幼錢物非理使用多致破敗家產擬合通行禁  
約都省准呈

至元十三年四月十五日中書省今體知得  
諸人驅奴或將元閤本使錢本恣意非理破使  
畏避計弄嗔責誣構事端及有兇徒因與良家  
有隙妄生僥倖於官告論其有司官吏不行詳  
審有無堪信照憑顯跡受理隨衙遷延月日不  
能結絕致妨生計合行禁治

私宴 至元七年四月中書戶部據太原路申  
本路人民嫁女娶妻不量己力或作夜筵餽饌  
三二十道按酒三二十棹通宵不散其中引惹  
鬪訟不惟耗費有損無益乞行革去省部相度  
今後會親止許白日至禁鐘已前筵會除聊備  
按酒飲膳上中戶不過三味下戶不過二味無  
致以前費耗其餘筵會亦同此例通行禁約施  
行

至元十五年三月御史臺欽奉聖旨條畫內

一款節該按察司官有聲跡不好者御史臺體  
察雖未仕滿許行奏代憲臺議得監司係糾彈  
衙門其所設以次人負本司亦合常加檢束及  
令通互体察務要盡公無致作弊至於所屬私  
同宴會亦所當禁但有玷缺隨即理斷巡按去  
處勿許官吏迎送首思分例之外亦不得多餘  
應副

大德十年四月中書省御史臺呈戶部司計  
楊元催起運司益引飲用官吏筵會難同宿主

通禮若以爲例使出使人負做做侵漁官府深  
爲未便刑部議得凡出使人負於所至之處如  
親戚故舊禮應追往之人賓主宴樂理難斷絕  
其餘不應飲用官吏筵會侵漁官府禁治相應  
都省准擬

蒙古男女過海 至元二十八年六月初一日  
欽奉聖旨泉州那裏每海船裏蒙古男子婦女  
人每做買賣的往回回田地裏忻都田地裏將  
去的有麼道聽得來如今行文書禁約者休教

將去者將去人有罪過者麼道聖旨了也欽此  
投下千分 大德四年四月中書省所委官廉  
訪使乞失烈陸拾言安童阿蘭賚擎小薛大王  
令旨於龍興等處地面販賣人口擬合禁約禮  
部與刑部照得大德二年六月御史臺奏諸王  
駙馬差着使臣各路州縣問讀令旨文書動衆  
迎接多騎鋪馬等事本臺商量來今後諸王駙  
馬有大勾當呵皇帝根底明白奏過放行者小  
勾當呵經由中書省行者他無體例勾當罷了

呵怎生欽奉聖旨是那般者開讀文字去的人根底有呵和那文字那裏的廉訪司官一處將來者欽此議得擬合依准所言通行禁約拜賀行禮 大德七年八月中書省御史臺呈切見外路府州司縣遇聖節正旦拜賀行禮勾集諸色社直行戶粧扮預先月餘整點將寺觀祝壽萬歲牌迎引至于公廳置位或將萬歲牌出其坊郭郊野之際以就迎接揀選便於百姓觀看處所然後官吏率領僧道擡昇壇面鏡鼓

鼓板幢幡寶蓋差遣諸色行戶粧扮社直娼妓  
宮監之類沿街擺拽寶爲褻瀆擬合從宜講究  
着爲定制頒行天下使臣子遵守庶免差忒不  
一都省議得外路諸衙門欽遇聖節元日臣子  
之禮但當以敬爲主照依至元八年奏准儀式  
行禮合用樂人止就本處在城者無得於他處  
勾集及格配諸行戶百姓人等粧扮社直所據  
筵會一切所須之物官吏自備並不得取飲於  
民



障車害禮 至元五年八月中書省右三部呈  
契酌嫁娶必用吉時今有一等不畏公法游手  
好閑人等但過嫁娶糾集人衆以障車爲名乃  
踴婚主取要酒食財物故將時刻阻誤又因而  
起鬪致傷人命擬合嚴加禁治都省准呈  
拘滯車船 至元二十年五月中書戶部承奉  
中書省劄付體知隨處官司遇有逆運將販賣  
米斛車船壹槩拘刷拖拽以致水陸滯滯南北  
米糧不通民甚不便都省相度江淮等處米粟

任從客旅與販官司毋得阻當般販物斛車船  
並免遞運不以是何人等毋得拘刷拖拽仍於  
閘津渡口出榜曉諭如遇與販物斛車船經過  
不得非理遮當搜檢妄生刁蹬取要錢物違者  
痛行治罪

至元二十年十一月中書省所委官李尚書  
呈江南行省差押運官物船隻人負多於沿河  
拘奪客旅船隻交換深是檢授合無行移各省  
禁約所差人負毋得似前奪要客旅船隻都省

准呈

至元二十五年三月尚書省契勘大都居民所用糧斛全籍客旅輿販供給體知漕運司押綱頭目并船戶人等指裝運官糧爲名將御河上下輿販物斛客旅非理搔擾及將在船物貨強行剝卸阻滯販賣以致京師物斛添價都省議得擬令都漕運使司嚴加禁約押綱頭目船戶人等毋得似前搔擾客旅阻滯船隻非奉都省明文不得擅自拘產

至元二十九年正月十一日御史臺奏大都  
裏每年百姓食用的糧食多一半是客人從迤  
南御河裏搬將這裏來賣有來的多呵賤來的  
少呵貴有如今街下有來的米比已前貴有這  
米貴了的緣故官船搬運官糧諸物呵船戶每  
倚着官司氣力壞了官船也麼道却奪要了客  
人每的船隻與了鈔放了不與鈔呵教百姓每  
船運官物更有氣力的人每行呵客人每根底  
阻當爲那般呵客人每來的少的上頭米貴了

有俺商量得今後官船損壞了呵教所在官司  
修補者客人每的船隻休拿者麼道中書省裏  
說了多出文榜更省裏臺裏常川差人這般教  
百姓生受的根底巡緝呵便當有麼道奏呵那  
般者麼道聖旨了也欽此

搬詞 至元十一年十一月中書省大司農司  
呈河北河南道巡行勸農官申順天路東鹿縣  
鎮頭店聚約伯人般唱詞話社長田秀等約量  
斷罪外本司看詳除係籍正色樂人外其餘農

民市戶良家子弟若有不務本業習學散樂般  
唱詞話並行禁約都省准呈

山場一至大二年九月十四日尚書省奏官人  
每根底放鷹犬分撥與的山場禁治着不教百  
姓每採打柴薪以致柴薪價錢貴了麼道奏呵  
奉聖旨如今不揀誰權豪勢要休禁者禁治的  
人每有咱每知識的奏若不知識的恁尚書省  
官人每依體例要罪過者教百姓每採打柴薪  
者欽此

至大四年正月十六日詹事院官月魯帖木兒特奉皇太子令旨在先薛禪皇帝時分但屬係官的并寺院的山場裏出產的柴炭每諸王駙馬官負權豪人等倚着聖旨裏與了也麼道占來的并因放狗占了的山場多有但是那般禁了的去處依着在先薛禪皇帝時分體例裏隨處廻與者後頭占來的再休侵犯者百姓依舊體例採打賣者不揀誰抽分休要者月魯帖木兒去和伯顏一起皇太后根底奏者麼道奉

今旨上頭奏呵奉懿旨太子題的是有那般者  
教詹事院家疾忙行文書出榜者中書省家也  
隨處出榜者這般省諭了呵占的人每要抽分  
的人每有罪過者麼道懿旨了也教此

金銀 至大四年四月二十六日欽奉詔書內  
一款節該權禁金銀本以權衡鈔法條令雜設  
其價益增民實弗便自今推宜開禁聽從買賣  
其商賈收買下番者依例科斷欽此

請謁 至元二十年十一月中書省御史臺呈



御史中丞崔少中牒照得欽奉聖旨立御史臺條畫內節該諸訴訟人若於應管公事官負私通謁托又諸官吏入茶坊酒肆及該載不盡應合糾察事理委監察御史並行糾察欽此近聞求仕官負或已受宣勅必須酬謝者雖不顯行賂通公然大設宴樂請托今後省院六部諸衙門官吏無故不得與求仕受命官負私同宴會以通請謁監察御史體察是實約量責罰都省議得今後求仕官吏已未授除其間不得於省

院臺部等內外諸衙門當該官吏與私第謁托  
酬謝及邀請宴會如違當該官吏并求仕人負  
一體究治

立碑 至元二十九年三月中書省御史臺呈  
廣濟縣達魯花赤阿魯不思取受科歛人戶錢  
鈔伍伯玖拾餘錠却立德政碑於公廳據見任  
官不應立碑并犯贓污已立碑者合行除毀都  
省議得今後職官在任雖有政績不許立碑其  
先已建立者若犯贓污即合除毀違者究治

帶行人 至元二十一年九月中書省御史臺  
呈凡務中攔攔合干人等並從本處衆所推舉  
廉幹人勾當其諸處監臨上司並不得將私已  
人分付稅務內營求衣食如有違犯許諸人首  
告取問是實量情懲治仍標注犯人私罪過名  
各道提刑按察司嚴加糾彈都省准擬

至元三十年三月御史臺監察御史呈照得  
提刑按察司官每遇巡按除書吏人等合騎鋪  
馬數目外不得將引妻子親眷閑人并長行馬

疋同行如違治罪近自改立廉訪司之後循習  
舊弊尚猶不除又多引祗候從人索要酒食借  
騎馬疋中間爲害事有多端致廉訪司聲跡不  
佳者亦由於此做合嚴加禁約憲臺准呈

大德二年五月中書省河南行省咨朱參政  
呈軍民不使一件游手好閑的人不肯依本分  
作活多於諸衙門官人根底投做總領面前祇  
候江南田地裏有壹箇司縣官根底伯拾箇人  
根着造的每又沒俸錢田產他的老小每穿的

喫的都在百姓身上如今喫飯的人多種田人  
少久已後吃不便當怎生般商量除額設有俸  
錢的依體例存留勾當其餘的都教罷了將荒  
閑田地斟酌撥與耕種呵百姓也不被擾閑人  
也少去也便當的一般都省議得除額設祇候  
公使人數外其餘額外濫設人等盡行革罷

大德五年十月中書省御史臺呈府州司縣  
官將引帶行人等覘攬公事取受錢物等事送  
刑部議行令各道廉訪司禁治若有違犯之

人驗事輕重歸斷都省准擬

掩骼埋胔 中統五年五月欽奉聖旨中書省  
奏各路見有暴露骸骨仰所在官司依理埋瘞  
奠祭追薦做好事者欽此

至元十一年七月中書省御史臺呈山北遼  
東道提刑按察司中北京等處遇有身死不明  
之人官司初復檢訖不行埋瘞將屍棚樹棧閣  
以致風日吹曝蠅虫出蛆嘍夏月膚裂脂肉潰流  
薰觸天地祭詳如初復檢過責付屍親埋瘞遇

無屍親者責付停屍地主隣佑權行立埋插立封牌標寫年顏形貌使行旅廣傳屍親知而來認以厚風俗兵刑部議得依准所擬省准

控鶴等服帶 至元二十一年九月中書省宣徽院呈議得控鶴除輪香上都當役外據大都落後并還家人等元閤只孫襖子裹肚帽帶官爲收掌如遇水應却行閤取舊只孫襖子裹肚不得將行貨賣并織造只孫人匠除正額織造外無得附余夾帶織造暗遞發賣如有違犯之

人嚴行治罪及不係控鶴人等若有穿繫裹肚束帶冬處官司盡數拘收若有詐粧控鶴檢獲官府百姓之人許諸人捉拿到官嚴行懲戒行下拱衛司依上拘收禁約都省准擬

至元二十一年十二月中書省蒙古文字譯該中書省官人每根底伯顏言語咱每根底行的祇候繫着只孫裹肚繫腰定當外頭民戶每有麼道他每的裹肚繫腰拘收來如今諸王諸子官人每根底祇候每繫着裹肚繫腰說咱每



根底行的祇候定當民戶的一般說有麼道奏  
呵安董根底說了教行文字拘收者一就休教  
繫者麼道聖旨了也欽此

皇慶二年四月中書省禮部呈拱衛司呈爲  
拿住私織上位祇候每一般只孫的人奉聖旨  
私織的人根底和造假鈔一般有教刑部家好  
生的問者今後教省家通行文字除我根底皇  
太后根底更合穿的穿繫者不合穿的拿將來  
好生問重要了罪過休教穿繫者麼道聖旨了

也欽此

毛段織金 中統二年九月中書省欽奉聖旨  
今後應有織造毛段子休織金的止織素的或  
綉的者并但有成造箭合利於上休得使金者  
欽此

通制條格卷第二十七